

لاوين القصد يابو علي بين الأماجد ياراعي الحمية  
ترحل للبلابو علي وياك الصناديد والعيلة سوية

تخطب بالخلايق قبل ما العيد يلفي ياشفية  
كمل حجتك كلمن لك يريد ياخير البرية  
هيات المحامل تقطع البيد كلي ليا نوية

### جنها المنايا فوك المطايا

لاحت يابو علي يابن الشفيه بلهات ورزيه

من شفت المحامل يالأخو بالليل تطلع ياراعي الحمية  
ركني مال ياخويه ومن احزاني تضعع ودموعي جرية

مايحصل لك ياخوية تهجع من يامحنه تجرع  
المن هالزمن لو جار أفزع ولمن خويه أرجع  
ياضنوة علي وياك أنفع والشر عنك ادفع

### خذني ويا لقمار خذني يمغوار

وخل حتم الكضا يوقع عليه بارض الغاضرية

عني لا تبعد ياخوية يالعشت بحماك  
خلني امشي ويا المحامل خويه اترجاك  
انه خادم لك ياخوية وللحرم احمي  
لو تحل بيكم رزايا ابكي آنا وياك  
بالحرب تعرفني وافي ياعدل الروح  
لو تشد بيك المواضي وما أحد يدناك  
ترحل وتترك بيوتك ينعي فيها اغراب  
وحشة تبكي هالمنازل من بعد عيناك  
نصرتك تتهنى بيها ياغريب اجناب  
وآنا اضل برض المدينة دوبي بس انعاك  
عني لا تبعد ياخوية يالعشت بحماك  
خلني امشي ويا المحامل خوية اترجاك

لمن عزم يشيل الشهيد بها المطايا      ومنه الكلب ملهوف  
عازم يبني اركان الإمامه الهدايه      ويأمر بمعروف

راح لكبر جدّه <sup>و</sup>وجب عليه      ضل يبدي الشكايا  
ياجدي اهضموني بلايا اسباب      وبلايا جنائية  
هالدينا الوسيعة ضيكوها      ياخير البرايا

### ضمني للحدود      للدينا ماعود

ياطه العمر كله بلايا      محنه وسفه وصروف

لن طه يجاوب فرخه من كبره يكله      ومنه الكلب ملهوف  
يوليدي يراعي المرجله ارفض الذله      وشد عزمك الموصوف

سافر يا حبيبي وبالحرم روح      وكصد أرض لطفوف  
جني بيك والعدوان لنذال      وكفت حولك اصفوف  
حايير يا عزيزي ومنك يسيل      دمع الحزن مذروف

### يبني يمظلوم      خايف من الكوم

وسط الحومه يا والد اليمه      حولك كلهم اوكوف

تخطب بكومك تكلهم ما تعرفوني  
آنه جدي المصطفى وهذي ترى ضعوني  
جدي طه تعرفه كل الأنس والجان  
يلي كلتولي تعالي وما تخيبروني  
آنه جيت اعلى الوعد لمن وعدتوني  
أمي فاطم بويه حيدر لو نسيتوني  
يلنقضتون العهدكم وحدي خلوني  
ارجع ابهاي الحرير بالله تركوني  
خلنا نفرض آنا مذنب وش ذنب لطفال  
خلو ايتامي تعود ويا نساويني  
ما أحد يرحم دليلك يا عزيز الروح  
مصابك بلب القلب يكي بأذيني

ودع كبر جده وراح لشبال الغوالب      بالدمعه الهموله  
أمرهم يركبون الحرير والحبايب      أو باكي العيله

عدلو هالرجايب خلنا نمشي      والمحمل تشيله  
جاسم ركب امك علمطيه      ودمعك لا تهيله  
يبني يا علي الأكبر تعنى      ناديلي اعلى ليلي

### خلو الضعينه      تمشي بسكينه

ترحل عن أهل مكة وطيبه      وتكصد للمنيه

راد يسير ضمن حسين لكن العقيله      بالدمعه الهموله  
نادت يا حبيب الروح كلي يبو سكينه      يانسل البتوله

يا هو لمحملي يعدل يخويه      جاوينه العباس  
لنه بو الفضل اكبل وكلها      أنه صعب لمراس  
امرج يا عقيله الساع البيه      عالعين وعلى الراس

### قومي يخيه      نرحل سويه

نرحل للبلال لرض المصيبة      أرض الغاضريه

قومي ياخيه اركبي ضعنج ولتخافين  
أنه مذخور لحماية ركبيج من الحين  
ما أحد يركب إلج خيه ولا يدناج  
الا لما ينقطع من زندي الجفين  
حيدر المبرور أبونا كلي يا عباس  
يلولد لمن يصير بكر بلا لحسين  
بلايا ناصر لا تخلي ضنوتي محتار  
غربته صعبه عليه وما يلاكي معين  
أنه سبع القنطرة ويدي حتف محتوم  
لوردت افني الكتايب وارمي بيها البين  
قومي ياخيه اركبي ضعنج ولتخافين  
الا لما ينقطع من جفي الزندين